



WILLEM HET KROUQ TE KOOP

Bliedspul in drij bedrieven

deur

JOHAN E. G. RUITER

TONEELUITGEVERIJ VINK B.V.
(Grimas Theatergrime verkoop)
Tel: 072 - 5 11 24 07
E-mail: info@toneeluitgeverijvink.nl
Website: www.toneeluitgeverijvink.nl

VOORWAARDEN

Alle amateurverenigingen die het stuk: **WILLEM HET KROUG TE KOOP** gaan opvoeren, dienen in alle programmaboekjes, posters, advertenties en eventuele andere publicaties de volledige naam van de oorspronkelijke auteur: **JOHAN E. G. RUITER** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

Copyright: © 2007 Anco Entertainment bv - Toneeluitgeverij Vink bv

Internet: www.toneeluitgeverijvink.nl

E-mail: info@toneeluitgeverijvink.nl

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: www.ibva.nl

Email: info@ibva.nl

ING bank: 81356 – IBAN: NL08INGB0000081356 BIC: INGBNL2A

Geen enkele andere instantie dan het IBVA heeft de bevoegdheid genoemde rechten van u te claimen, of te innen.

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

Vergunning tot opvoering:

1. Aankoop van minimaal **8** tekstboekjes bij de uitgever.
2. U vult het aanvraagformulier in op www.ibva.nl of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

Vergunning tot HER-opvoering(en):

1. U vult het aanvraagformulier in op www.ibva.nl of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.

Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.

**Rechten BELGIË: Toneelfonds JANSSENS, afd. Auteursrechten,
Te Boelaerlei 107 - 2140 Bght ANTWERPEN Telefoon (03)3.66.44.00.
Geen enkele andere instantie heeft de bevoegdheid genoemde rechten
van u te claimen, of te innen.**

SPEULDERS:

Willem - krougboas

Scharreljan - scharreloar

Appie - zeun van Jantje

Jantje - zuster van Willem

Betje Diekhoes - buurvraauw

Soartje - heur dochter

Irene - passante

Bakker - projectontwikkelaar

EERSTE BEDRIEF

t Cafe is n old verlopen zootje, stoapel ol kranten op vlouer n schaif gezakte kapstok, kepodde gediene, gescheurde plaatjes an de muur, n troep dus Dikke Willem zit bie n toaveltje te stennen, want hai is an t reken op n papierke.

Willem: Dat wordt weer niks dizze moand, as dat zo deur gaat den ben ik binnen n joar compleet op de fles en as dat nou nog n draankfles was, wol k der niks van zeggen. *(zucht)* Nee, dit gaat nait goud. *(Scharreljan: komt binnen. Hai is n ol slonterboksem en handelt in van ales en nog wat)* t Beste wat ik ken goan doun is de zaak gewoon mor goan verkopen.

Scharreljan: Moi Willem.

Willem: Hé, Scharreljan, doe hier?

Scharreljan: Heur ik dat net goud, wolst doe de zaak verkopen Willem?

Willem: Eh neehee... eh... Hou komst doar nou weer bie?

Scharreljan: Nou ik heurde die dat toch duudelk zeggen en mien oortjes bennen nog haile best in odder heur.

Willem: Hest zekers verkeerd verstoan, want ik zee. Ik mout wat meer draank verkopen.

Scharreljan: Oh joa?? Nou t zel wel zo wezen den, mor ast doe meer wilt verkopen, den most ais begunnen met dien priesen te verlegen en de klanten bie t binnenkomen t eerste borreltje groaties te geven. Dat gef t klantenbinding begripst wel?

Willem: Nee, dat begriep ik nait. Hou ken je nou wat verdainen an t weggeven? Dat kost toch allent mor geld?

Scharreljan: Doe bist toch ook n echte Grunneger he? Baange om ook mor ain sent te veul oet te geven. Liekst dat morkeltje wel van dij Zeeuwse botter, "Gain sent teveel hoor"

Willem: Joa, doe kenst mooi lullen, mor ik zit der mor met. Der komt te waineg binnen en t gaat der wel oet.

Scharreljan: Joa den most de zaak mor goan verkopen jong, want aans bist domt nog blut ook en wat most den begunnen?

Willem: De zaak verkopen?? Gain hoar op mien heufd dij doar an denkt. Hou komst wel op t idee? Verkopen haar k docht.

Scharreljan: Nouhou, ik docht aans, dast doe der wel zo'n beetje riep veur bist en ik zol die doar haile best bie kennen helpen. Messchain haar ik al wel n laifhebber op t oog.

Willem: *(krigt nou interesse)* Hou mainst? Waist doe den aine dij der belang bie zol hebben? Bie dizze kroug?

Scharreljan: Joa, messchain zee ik, mor doe wolst hom ja toch nait

kwiet, dus dat het gain zin om der achterheer te goan.

Willem: Nou ja, as ik der n goie pries veur kriegem ken, den is der ja auids te proaten over n overnoame deur d'ain of d'aander.

Scharreljan: Mor den hangt der wel n prieskoartje an vanzulms.

Willem: Hou mainst dat?

Scharreljan: Nou, wat ducht die van provisie?

Willem: Om n goie vrund te helpen, wolst doe provisie beuren?

Scharreljan: Ten eerste is dat haile normoal as je zoaken willen doun. Den blift der auids wat an de striekstok hangen en twijdens bennen wie nog nooit gain goie vrunden west.

Willem: Nou, zo heb ik die wel auids zain heur, as n goie vrund.

Scharreljan: Oh en doarom gafst mie auids vot n groaties borreltje bie t binnenkomen.

Willem: *(vlugt omhoog en schenkt hom aine in)* Ach waist wat t is? Ik vergeet dat maaistens, den heb ik t te drok vanzulms.

Scharreljan: Joa, joa.

Willem: Mor vertel ais. Hou haarst die dat den docht?

Scharreljan: Nou ik docht in eerste instantie an zo'n tien persent, mor t kon ook nog wel ais vieftien worden.

Willem: Vieftien persent??? Man doe liekst wel nait wies, dat is toch veuls te veul veur zo'n lutje kroug as dizzent. Dat liekt toch naarmswoar op?

Scharreljan: Nou, kiek as ik dien kroug veur n haile hoge pries ken verkopen, den denk ik, dat ik best n bedie meer pervisie mag hebben.

Willem: Houveul denkst doe den te kennen kriegem?

Scharreljan: Wat veur pries hest doe zulf in de kop?

Willem: Dat wait ik nog nait, doar heb ik nog nait over noadocht. Most nog n borreltje?

Scharreljan: As e van t hoes is joa. *(Willem schenkt in)*

Willem: Kiek ais hier mien jong, loat hom die mor lekker smoaken.

Scharreljan: Dankewel. En den mouten wie zeker mor ais n plan de kampanje moaken nait? *(drinkt glas leeg en schoeft hom noar Willem dij hom weer volschenkt en dat gaat zo onner t proaten nog n moal of wat)*

Willem: Wat haarst die bedocht?

Scharreljan: Nou, wie zellen eerst de boudel hier wat op mouten knappen. Messchain hier en doar n kwassie vaarf, nij klaaidje op de toavel en n bloumke hier en doar.

Willem: Is dat duur?

Scharreljan: Zelst toch wat mouten doun om t n bedie antrekkeliaks te moaken, nee den?

Willem: Joa, dat zel wel zo wezen ast doe dat zegst.

Scharreljan: En wie mouten zörge dat der wat meer volk is hier en laifst lu dij ook goud verteren. En doe zelst gehaktbalen mouten verkopen en worst en der mouten sausies op de bar stoon.

Willem: Sausies?? Wat bennen dat nou weer?

Scharreljan: Dat bennen oapeneutjes, worden ook wel pindoa's of eulieneutjes nuimd. T Maggen vanzulms ook wel aandere neutjes wezen.

Willem: Dat wait ik nait heur, dat kost apmoal weer zoveul geld, dat komt der ja nooit weer oet.

Scharreljan: En den zellen dien priezen noar beneden mouten.

Willem: Wadde??? Mien priezen noar beneden? Hest doe sums last van de male kouzaikte? Is t die in de kop sloagen? Priezen noar beneden haar k docht. Hou komst der wel bie gek?

Scharreljan: Wolst dit zoakje toch verkopen nait?

Willem: Gain hoar op mien kop dij doar nog an denkt. Man dat kost ja n vermogen, zoast doe dat doun wilt.

Scharreljan: Most wel n bedie vertraauwen hebben in n goie vrund mien jong.

Willem: n Goie vrund nuimst doe dat? Ik nuim zo aine n profiteur.

Scharreljan: Huifst nait.

Willem: Nou, dat ken den nog wel even duren, veur asdat ik dat dou.

Scharreljan: Denk der nog mor ais even over noa. Ik kom der nog wel weer op terug. Ik mout nou eerst mor ais op hoes an veur asdat ik hier nog doen wor. *(gaait stoon en wil vot goan)*

Willem: Mout ik ze opschrieven, of wolst ze vot betoalen?

Scharreljan: Wat mainst? Oh nee, dij huifst nait op te schrieven. Ze werden ja anboden deur t hoes., deur n goie vrund. Deur die dus. Moi he? *(gaait of en Jantje komt binnen)*

Willem: Dij verrekte oplichter.

Jantje: Wel?

Willem: Scharreljan, hai was hier net eevm.

Jantje: Het e die verneukt?

Willem: Joa en nee.

Jantje: Het hai die nou wel of nait te pakken had.

Willem: Hai het auids van dij gladde proatjes over zok en doar trap ik den ook nog weer in. Hai wol de kroug veur mie goan verkopen en hai.....

Jantje: Wat zegst doe, wolst doe onze kroug goan verkopen?? Hou holst die dat wel in de hazzens? Doe magst den mien bruier wel wezen, mor dat ken zo mor nait.

Willem: Wie doun der ale weken geld bie zussie en t meer ken wel leeg.

Jantje: Den mout je doar wat an doun en de boudel nait zo loaten

verslonsen.

Willem: Zokswat zee hai ook al.

Jantje: Nou doar haar hai den ook wel geliek an, t mag hier ook best ais wat opknapt worden.

Willem: Doe denkst dus ook al dat t geld ons op de rogge gruit?

Jantje: Dat huift toch nait zo veul te kosten. n Kwassie vaarve dut wondern, n lampke der bie, n bloumpie op toavel. Nou den zelst ais wat zain.

Willem: Joa n mooie boudel hierbinnen, mor doar verdainst niks met. De winst mout van de klanten komen en as dij der nait bennen, den blift de knip mooi leeg.

Jantje: Den most doar wat an doun, den most wat organiseren, woar de lu op of komen. Teneelboudeltje of zo, der bennen zoveul mooie stukken te krieggen en as dij lu hier komen repeteren den brengt dat ook weer geld op, want elk wait dat dij teneellu zoepen as krieggers. Verkochst der nog ais n gehaktbaaltje bie.

Willem: Dat wait k nait heur, wat brengt dat weer n waark met zok met.

Jantje: Dat zel t den ook wel weer wezen. Loieghaid, man wees toch ais wat aktiever en hol dien kont ais wat voaker oet de stoul.

Willem: t Is dast doe mien zuster bist mor aans luit ik mie dat nait deur die zeggen.

Jantje: Oh nee?

Willem: Nee vanzulms nait, den haar ik die der allaank oetsmeten. Hou kenst doe nou zeggen da'k loi ben. As hier aine aktief is den ben ik dat wel.

Jantje: Nou begun den mor met de boudel te sauzen en vannijs te behangen, den kenst zain loaten dast aktief bist. Waist wat ik stuur die straks ons lutje vent wel, dij ken die der mooi bie helpen.

Willem: Dij onnut wil ik der hier nait bie hebben. Wat mout ik (*Appie komt binnen*) met zo'n stok verdrait.

Appie: Hebben ie verdrait ome Wullm?

Willem: Ach doe, wat komst doun? Boudel weer wat veur de maf holden sums.

Jantje: Ik zee net tegen Willem, dast doe hom wel ais n bedie helpen konst met.....

Appie: Bierdrinken en worst eten moe?

Jantje: Nee, niks der van, boudel mout hier aigenlieks ais n bedie opschiert worden. Sausen en behangen en zoks wat meer. En Willem wol ook wat meer verainens hierheer hollen.

Appie: Den mout e wel eerst zien priezen wat veranderen. Hai het ja van elke olle gulden gewoon n nije euro moakt, nou en dat pikken de lu nait.

Jantje: Doar hest geliek an jong, dat mout as eerste weer terogge draait worden.

Willem: Joa, den verdain ik haildaal niks meer, der kom nou al gain mens meer.

Jantje: Dat zel wel n bedie metvalen denk ik. Traauwens Derk van der Veen het dat ook doan en hai het de loop der weer goud in.

Willem: Wat?? Het dij smeerlap dat doan en wie haren ofsproken dat wie dat zo zollen doun met dij priezen. Wat is dat ja n oplichter.

Jantje: Krougholders bennen ja apmoal geliek, nait te vertraauwen.
(gaait of keuken)

Willem: Doar hest geliek an wicht, dat bennen grode oplich....eh..Wat zeest doe?

Appie: Moe zee, dat ale krougboazen oplichters wazzen, doar kon zai wel ais geliek an hebben. As je vandoage de dag n pilsje bestellen den betoal je mor zo twij en haalve euro veur n zo'n lutje glaske. Wat zeg ik n glaske? Dat bennen gewoon reageerbuisies oet ain of aander laberatorium.

Willem: Ach doe, waist ja haile niks van t zoakenleven of. Doe kiek over toavel. Mainst zeker dast doe overaal verstand van hest.

Appie: Nouhou, nait overaal van mor meester op schoul zee auids, dat ik n haile goie verstand haar en dat het meester veurvast nait van die zegd.

Willem: Doe haarst perfesser mouten worden met dien proatjes. Wat waist doe nou per slot van reken den ook nog meer as ik? Nou?

Appie: Nouhou.....Houveul is eh.....ain en ain bevobbeld? Waist doe dat wel?

Willem: Wat is dat nou veur n male vroag? Dat wait elk kind ja wel.

Appie: Mor doe dus nait, aans haarst wel antwoord geven ja.

Willem: Ach vent, loop hen met dien flaauwe proatjes.

Appie: Waist t nait he? Bist ja n grode sufferd. Moe het geliek met wat ze van die zee.

Willem: En wat zee dien moe den wel van mie?

Appie: Nou, dast doe haile nait zo googem bist en dat bliekt ja ook wel, want doe waist ja nait houveul ain en ain is.

Willem: Twije ast doe dat den zo geern waiten wilt.

Appie: Haildaal fout kammeroad.

Willem: Joa dat zelt, nou hoal doe dien schoulgeld den mor weerom.

Appie: Nou nee, dat kenst doe den beter mor doun.

Willem: Hou komst doar nou toch bie slörm. Ain en ain is twij, makkelk zat.

Appie: Spiet mie veur die, mor ain en aine, dat is elf.

Willem: Joa heur en vandoage is t Pinksteren en doe bist de poashoas.

Appie: Nou let mor ais op. Kiek, ik steek ain vinger op, dus dat is n aine.
(*dut dat*)

Willem: Knap heur.

Appie: En ik dou met de aandere hand der nog n aine bie. (*dut dat ook en holt baaide hannen noast n kanner*)

Willem: Mooi.

Appie: En wat zugst nou?

Willem: Twij voele vingers.

Appie: Neehee, nou zugst doe twij ainen noast n kanner en twij ainen noast n kanner dat is n elf. Dus ain en ain is elf.

Willem: Ain plus ain is twij en zo is dat.

Appie: Doar hest geliek an.

Willem: Nou den.

Appie: Mor ik zee: Ain **en** ain, dus noast n kanner en den is t toch echt elf. Mor goud dat wie nait om n borreltje wedt hemmen.

Willem: Mie ducht zo, dast doe eerst mor weer ais noar dien moe most goan en proat doar mor mooi wieder met. Dag he?

Appie: Mor wie mouten nou toch eerst ais overleggen, hou of dat wie met de kroug an mouten ome Willem? Ie wollen toch an t behangen en zo?

Willem: Eh...Hangen het gain hoast wel?

Appie: **Be**hangen zee ik, nait hangen.

Willem: Ach vent, mieter op. (*deur gaait open en Betje Diekhoes en ollerwets ankledde dochter Soartje komen binnen*) Zo, dus jullie mouten ook zo neudeg weer es komen kieken?

Betje: Ook goiendag en ik mout zeggen, dat dat nait haile bezunder vrundelieks klinkt.

Appie: Ach oom Willem bedoult t wel goud, mor t komt zo rötteg zien be.... eh mond oet.

Betje: Wat oareg dast doe der ook bist Appie, vinst ook nait Soartje?

Soartje: (*liezege proater*) Joa moe.

Betje: Vinst ook nait dat Soartje der weer mooi oetzugt Appie?

Appie: Joa heur, (*opzied*) Nah, je mouten der mor van hollen.

Betje: Aigenlieks zolst doe haile goud bie Soartje pazen, vinst doe ook nait Soartje?

Soartje: Aach moe, haai wil ja toch naait.

Betje: Joa, mor doe krigst n mooie stuver met in dien traauwerij wicht en dat telt toch ook met of nait Appie?

Appie: Nou! Of dat met telt. (*opzied*) Al haar ik ook n vat zolde herens op, den kreeg ik doar nog gain dörst op.

Betje: Wat zeest Appie?

Appie: Oh...eh... dat t zoks dörsteg weer is

Betje: Schenk heur baaide mor ais n glaske frambozenlimmenoade van mie in Willem enneh, neem zulf ook mor aine.

Willem: Eh...ikke??...eh limmenoade????

Betje: Nee, doe magst die wel wat beders intappen.

Willem: Das goud Betje, mor wolst doe zulf den niks hemmen? (*gaait inschenken*)

Betje: Eh... neehee, want ik mout de kop eevm helder holden, want wie mouten messchain wel zoaken doun.

Willem: Wie mouten zoaken doun?

Betje: Joahoa, ik heb heurd dast doe de kroug wolst verkopen?

Willem: Dij verrekte kwakdeuze, dij ken zok de bek ook nait dichthollen, wat ja n lamzak van n vent. Je kennen ook gain mens meer vertraauwen.

Betje: Is t den nait woar Willem?

Willem: Nou in zoverre, dat as der ooit nog ais n koper laangs zol kommen en dij haar n dikke puut met senten bie hom, den was der over te proaten, mor wieder niks.

Betje: Nouhou, hai was der aans oareg stelleg over met zien oetsproak. Hai zee dast doe echt plannen haarst om de zaak vot te doun.

Willem: Ach, dij vent is.....mor eh..ho ais even. Haarst doe der den belang bie had? Enneh, woar wolst dat den wel van betoalen? Hest doe den geld?

Betje: Most ais luusteren Willem. Dou mien man overliden is het hai mie goud verzörgd achterloaten en ik heb aaid zunege leefd, dus ken ik wel over n bedie geld beschikken.

Willem: Mor hou haarst doe die dat den veur stelt? Wolst doe achter de tap?

Betje: Nou, ik docht ook n bedie an Appie.

Willem: Appie??? Dij slörm, dij ken nog gain glas bier in tappen.

Betje: Nou den leren wie hom dat toch, of Soartje dij ken dat toch ook wel doun?

Willem: Nou, dat wait ik nait heur en traauwens, wie verkopen ja ook gain tapbier, alleneg nog fleskes.

Betje: Nou ja, t belangriekste is vanzulms de pries he? Hest doe doar al ais over noadocht?

Willem: Nee, ikke nait, mor dat is ook nait niks he, want dit hier is n goud lopend bedrief en wie haren net plannen om de zaak ais grondeg te goan verbauwen. Joahoa, wie wollen der ais steveg tegenan.

Betje: Ach wat zel t, n kwassie vaarf dut wonderen.

Willem: Nee, das nait genug. Ik en Appie wollen de zaak haildaal over de kop gooien, ist nait woar Appie? (*Appie het kop der nait bie*) Hè

Appie?!!

Appie: Wat is der ome Willem?

Willem: Ik zee is t nait woar?

Appie: Joahoa t is nait woar heur.

Willem: Ach, hol doe die ook mor stil, doe...doe...

Appie: Mag ik nou vot?

Willem: Joa, moak mor dast vot komst. (*Appie gaat of*)

Betje: En goa doe mor met hom Soartje.

Soartje: Joa moe. (*gaait Appie noa, Betje gaat ais wat dichterbie Willem zitten*)

Betje: En nou heb ik nog n aander goud idee Willem.

Willem: Nou loat mor ais efkes heuren den.

Betje: Waist doe nog wel dat wie vrouger wel ais wat met ons baaide scharreld hebben? En waist nog wel van dij aine keer dat wie soamen in t stro lagen van boer Postemoa.

Willem: (*groalt*) Nou en of ik dat nog wait. Wel schaande dat hai ons dou overlopen het, want t was net zo spannend he?

Betje: Nou, ik ken mie dat nog goud heugen, mor wie haren t zo even over Appie en helpen in de kroug, mor t was nog beter ast doe dat deest Willem. (*dichterbie*)

Willem: Hè??? Ik de kroug verkopen en der toch in blieven? Hou ken zokswat nou?

Betje: Nou as t mien kroug was, den konst toch mooi bie mie in dainst komen as barman. Kreegst t n stok makkelker, gain verantwoord en..... (*dichterbie*)

Willem: Ik wait nait of....

Betje: En wat t mooist is Willem...

Willem: Nou?

Betje: Den konnen wie aindeliëks ais of moaken woar as wie dou an begonnen bennen.

Willem: Wat mainst?

Betje: Hoema, hoema, mien laive Willem, waist ja wel (*dichterbie*)

Willem: Eh... hoema, hoema???Doe mainst? ...eh.. Doe en ik ikeh..wie soamen??

Betje: Joa mien laiverd, dat main ik, wie soamen... (*bespringt hom en smokt om t leven*) Doe waist toch houveul ik.... (*Jantje komt binnen*)


Jantje: Willem, luuster ais,ik....????? Wat is dit?? Wat zellen wie nou beleven?? (*t span vlugt oet n kanner*)

Willem: Oh...eh...ik eh...joahoa, wie wazzen...eh hoema...eh...eh niks leuf ik.

Als u het hele stuk wilt lezen dan kunt u via www.toneeluitgeverijvink.nl de tekst bestellen en toevoegen aan uw zichtzending.

Voor advies of vragen helpen wij u graag.

 info@toneeluitgeverijvink.nl

 072 5112407



“Samenspelen” is ons motto